

Genormaliseerde wesensverdienste (HEPS) s/aandeel ▲
2017: 97,8 | 2016: 53,9 81,5%

EBITDA verhoog met 26% na R330 miljoen

Opbrengs op openingsekwiteit (%) (nie genormaliseer) ▲
2017: 7,4 | 2016: 4,8 2,6%

Finansiële en operasionele oorsig

Die eerste ses maande van die 2018 finansiële jaar is gekenmerk deur 'n rekordoesinname. Mieliepryse het op die verhoogde volumes gereageer en verhandel naby aan uitvoerpariteitsvlakke. Omset het met 15,4% afgeneem weens verlaagde kommoditeitspryse. 'n Wins na belasting van R144,9 miljoen word gereflekteer, wat 60,7% hoër is as die vorige jaar. Genormaliseerde wesensverdienste het tot 97,8 sent per aandeel verhoog, wat 81,5% hoër is as die ooreenstemmende periode se 53,9 sent per aandeel.

Insetverskaffing

Die landboutoerustingbesigheidseenheid, Senwes Equipment, is onder druk en ten spyte van verhoogde omset het die bruto wins met 15,1% gedaal. Lae kommoditeitspryse, groter fokus van die produsent om sy skuldvlakke te normaliseer en lae sakevertroue in die volgende seisoen het veroorsaak dat produsente nie by hul normale kapitaalgoederevervangingsprogram bly nie en het sy besluit hieromtrent uitgestel. Senwes Equipment het met sy John Deere-agentskap sy marktaandeel in hierdie onderdrukte mark behou en het hierdie voetspoor verder uitgebrei in die Oos-Kaap. Die kleinhandel en landbou-inset gesamentlike onderneming met Afgri, Hinterland, is ook gedaag met verlaagde verbruikerspandering, op veral die plattelandse gebiede, sowel as onsekerhede wat die nuwe seisoen meebring. Dié segment reflekteer 'n wins voor belasting van R17 miljoen, wat 45,2% laer is as die ooreenstemmende periode van die vorige jaar.

DIVIDENDVERKLARING:

'n Tussentydse dividend van 27 sent (2016: 20 sent) is verklaar. Die laaste dag vir verhandeling sowel as die rekorddatum is 15 Desember 2017. Dividende sal betaal word op 18 Desember 2017, netto van dividendterughoubelasting van 20%, waar van toepassing. Vir Senwes aandeelverhandeling, besoek www.zarx.co.za.


Finansiële dienste

Die rekordoes en lae mieliepryse het 'n impak op die resultate van die kredietafdeling gehad, aangesien die meeste kliënte nie voldoende teen prysfluktuasies verskans was nie. Senwes Credit het, weens goeie verhoudings met sy kliënte, daarin geslaag om agterstalligheid te beperk tot 8% van die boek, vergeleke met 11% soos op 31 Oktober 2016. Dié segment reflekteer 'n wins voor belasting van R67 miljoen, wat R2 miljoen (2,9%) laer is as die ooreenstemmende periode van die vorige jaar.


Marktoegang

Senwes Grainlink, die opberging- en hanteringsbesigheid het die grootste graaninname sedert die vorige rekord in 1981 beleef. Graan ontvang het met 220% verhoog vanaf die vorige seisoen. Die mark het ook voldoende geleentheid gebied om graan na toekomstige maande te rol sonder die risiko van tekorte ten opsigte van drakoste en basispremies. Dié segment reflekteer 'n wins voor belasting van R152 miljoen, wat R95 miljoen (166,7%) hoër is as die ooreenstemmende periode van die vorige jaar.

Silo-inkomste en tonne ontvang



Genormaliseerde wesensverdienste



Finansiële hooftrekke

	2017	2016
Omset (R'm)	4 844	5 727
Bruto wins (R'm)	669	532
Verdienste voor rente en belasting (R'm)	307	240
Genormaliseerde wesensverdienste (sent/aandeel)	97,8	53,9
Totale aandeelhoudersopbrengs op openingsmarkprys (%)	20,7	1,9
Eie-kapitaalverhouding (%)	35,7	38,8
Rente dekking (keer)	3,0	2,5
Kontant gegeneer deur bedryfsaktiwiteite (R'm)	303	56

Segmentresultate

Marktoegang (R'm)	152	57
Insetverskaffing (R'm)	17	31
Finansiële dienste (R'm)	67	69

VOORUITSKOUING:

Die tweede semester word gewoonlik gekenmerk deur 'n sterk afname in graanvoorraad soos afnemers van graan en oliesade hul produkte otrek. Indien die huidige laer verbruikerstendense voortduur, behoort die hele mark met 'n buitengewone hoë eindvoorraadvlak ten opsigte van sagtekommoditeite teen April 2018 te sit. 'n Normale nuwe seisoen sal voorwaar uitdagings bring met betrekking tot stoorkapasiteit. 'n Moeilike tweede semester vir landboutoerustingverkope word voorspel en voorraadvlakke sal omsigtig bestuur word.



ONGEOUDITEERDE TUSSENTYDSE RESULTATE

Die tussentydse resultate vir die periode geëindig 31 Oktober 2017 is aanlyn beskikbaar by www.senwes.co.za of kontak die maatskappyssekretaris, mev. Elmarie Joynnt, by 018 464 7104 of per e-pos by elmarie.joynnt@senwes.co.za vir 'n kopie.



• Senwes Bpk (Registrasienommer: 1997/005336/06) • Charel de Klerkstraat 1, Klerksdorp, 2570 • Tel: 018 464 7800 • Webwerf: www.senwes.co.za

DIREKTEURE: JDM Minnaar (Voorsitter), SF Booysen (Ondervoorsitter), F Strydom (Groep Hoof Uitvoerende Beampte)*, CF Kruger (Groep Hoof Finansiële Beampte)*, JBH Botha, AJ Kruger, NDP Liebenberg, JJ Minnaar, SM Mohapi, TF van Rooyen, WH van Zyl, AG Waller.
 Maatskappyssekretaris: EM Joynnt. *(Uitvoerend)